

# جريدة صالیه

39

## صالی

نومرو	ربیع الآخر	سنه	مارت	سنه	صفحة
۳۹	۴۵	۱۲۹۷	۲۵	۱۲۹۶	۳۰۵

- اشبو غزته بهر هفته صالی کونلری چیقار . سنه لکی القمش غروش و بهر نسخه سی القمش پاره
- مجیدیه اوله رق هر برده صالیلور . درج اولته جق اعلاناتک بهر سطرندن ایکی غروش التور .
- سنه لکنه مشتری اولق استبانلر عدلیه نظارت جلیبه سی اوراق مدیر لکنه مراجعت ایتلیدر

محکمه مذکوره باش مدعی عمومی لکنه و در سعادت و ولایات محاکم استینافیه سی ریاستلرینه بالذات و محاکم بدایت رؤساسته مدعی عمومی معاونلری و ساططیه بیادرسلی عاڈ اولدقلری مدعی عمومی لکنه یازیله رق اشبو تخریراتک نسخ مطبوعه کافیه سی مدعی عمومی معاونلرینه ایصال اولمق اوزره لفا کوندرلش اولغله اقتضاسنک ایفاسی سیاقنده

( فی ۱۱ ربیع الآخر سنه ۲۹۷ تاریخیه )  
( عدایه نظارتندن تعمیما مدعی عمومی لره )  
( یازیلان تخریرات صورتیدر )

جهت تعهد و التزام و سائر دن طولانی خزینة جلیله ایله اشخاص پیننده تگون ایدن منازعاتدن منبعت دعاوتک فصل و رویتی و بوکامتفرع مواد و معاملاتک تسویه سی ضمنده شمعی به قدر مالیه نظارت جلیله سیله مخبره جریان ایتکده ایسه ده حقوق خزینة نك استیفاسی و اقامه اولته جق دعاری به متعلق هر نوع معاملاتک رویت و ایفاسی و برکو امانت علیه سنه حواله و تفویض اولمق ایدو کندن بعدما خزینة جلیله نامنه اوله رق محاکم نظامیه ایله امانت مشار الیه پیننده جریان ایدو چک معاملاتک تحت اعتبارده طوتلی ضمنده بالجمله محاکمه تبلیغات لازمه ایفاسی نظارت مشار الیه ایدو بوکره باتذکره اشعار اولمقسی اوزرینه امور حقوقیه مدیر نتیجه معامله ایجابیه سنک اجراسی افاده اولمق و صورت حالک محکمه تمیز ریاسته تلغ


( فی ۱۴ ربیع الآخر سنه ۹۷ تاریخیه عدلیه )  
( نظارتندن بالجمله ولایات استیناف محکمه لری )  
( مدعی عمومی لرینه یازیلان تخریرات عمومی )  
( صورتیدر )

اصول محاکمات جزاییه قانون موقتک طقوزنجی ماده سنده ضبطیه ضابطانک دخی ضابطه عدلیه مأمورلرندن معدود بواند بقی کوسترلش و قانون مذکورک ایکیوز فرق برنجی و ایکی یوز فرق ایکیجی احکامجه ضابطه عدلیه مأمورلر نك

کافی سی مأموریتلری نیک عدلیه جهتجه ولایات استیناف محکمه لری مدعی عومیلر نیک تحت نظارتلرند بولنمش اولدیغنه بناء احکام جزائییه دأر اولان اعلاماتک اساسا واسطه تنفیذی اولان مدعی عومیلر طرفندن امر انفاذ ایچون مراجعت وقوعنده عوم مأمورین ملکیه وقوه عسکریه وضابطه دخی اصولا لازم کلان معاوناتک اجراسنه مجبور اولمیرله بوبایده مدعی عومیلر جانبدن استعانه وقوعبولدیجه تسهیلات لازمه نیک ایفای کیفیتی بانحریرات عومیه ولاه عظام حضرانته ازباز قلدیغی کبی اولبایده سبق ایدن اشعار اوزرینه بالعموم ولایات الای بکلریله الویه مستقله طابور اغالرینه دخی تبلیغات مقتضیه نیک اجرا بیورلدیغی حربیه نظارت جلیله سندن جوابا وارد اولان فی ۵ ربیع الاول سنه ۹۷ تاریخی تذکرده اشعار اولنمش وکیفیتک معلومات اولوق اوزره مدعی عومیلره ازبازی محکمه تمیز باش مدعی عومیلک مأموریت بهیه سندن افاده قلمش ودااره مأموریتکز داخلنده بولنان محاکم ابتداییه مدعی عومی معاونلرینه تبلیغ اولنمش اوزره نسخ مطبوعه کافی سی لقا کوندلرلش اولغله اکاکوره ایفای مقتضاسی سیاقنده شقه محبی رقیم قلدی

( فی ۱۶ ربیع الاخر سنه ۹۷ تاریخیه عدلیه )  
( نظارتندن بالجمله ولایات استیناف محکمه لری )  
( مدعی عومیلرینه یازیلان تحریرات صورتیدر )

مواد جزائییه ده خرج تعرفه سنک الی اوچنجی ماده سی موجبجه برایشدن طولانی برکونده بش آدم استنطاق ویاخود ضبطلری اجرا اولندقدنه بشندنده شقه اوز غروشمی انه جق یوخسه باعتبار



اولندرق یالکز اون غروشمی اخذ اولنمش اقتضا ایده جکی بهض طرفدن استفسار اولندقدنه بولنمش وکیفیت انجمن عدلیه یه لندی الحواله ماده مذکوره موجبجه افعال جزائییه متعلق محاکم جزائییه ده طویله جق استنطاقنامدرک هر برندن بشقه بشقه اوزر غروش النیق لازم کله جکی یعنی برکونده اون شخصک استنطاقی اجرا ایداسه هر برندن آرو آرو اوزر غروش استیفا ایدلک اقتضا ایده جکی افاده قلمش و صورت حالک تعمیما ایجاب ایدنله یلدیرلسی ضمنده عائد اولدقلری مدعی عومیلکره اشعاری محکمه تمیز باش مدعی عومیلک مأموریت بهیه سندن افاده قلمش و اشو تحریراتک نسخ مطبوعه کافی سی لقا طرف شریفلرینه کوندلرلش اولغله اکاکوره ایفای مقتضاسی سیاقنده شقه مخصوصه رقیم قلدی

( فی ۱۶ ربیع الاخر سنه ۹۷ تاریخیه عدلیه )  
( نظارتندن بالجمله ولایات محاکم استیناف لری )  
( مدعی عومیلرینه یازیلان محریرات صورتیدر )

تبعه دولت علیه ایله تبعه اجنبیه بیننده ظهوره کلان کرک حقوق وکرک جزا دعوالر نیک اثنای فصل ورؤیتنده حضورلری ومواد جزائییه دن و بومقوله مختلط ومشترک اولان دعاویده استیجابی لازم کلان تبعه اجنبیه نیک تدقیقات استنطاقیه سنده منسوب اولدقلری دول متحابه رجائیلر نیک حاضر بولنمش عهود جاریه احکامی واصول مرعییه ایجابندن اولدیغی کبی بومثلاو دعاوی مختلطه وجراتم مشترک نیک ختام تدقیقاتنه دکن مظنون علیه وباندی مدخل اولان تبعه دولت علیه نیک اثنای استنطاقی ومواجهه لرند دخی استدلکری حالده

رجائیلرک حاضر بولنملری تعامل وطبیعت مصلحت اقتضاسندن بولندیغنه منی بعدما بو اصول وقواعد مخصوصه دائر سی داخلنده جریان ایدجک معاملات عدلیه نیک تمامی مرعیته صرف دقتله اکاکوره توفیق معامله اولنمش و نزدیکه مأمور بولندیغنر محکمه استینافه اشو تحریرات عومیه نیک برقطعه صورت مصدقه سنک اعطاسبله برابر دأره مأموریتکز داخلنده بولنان محاکم ابتدایییه دخی مدعی عومی معاونلری وساطتیه بر صورتی تبلیغ قلمش اوزره محکمه تمیز باش مدعی عومیلک مأموریت بهیه سنک افاده سیله نسخ مطبوعه کافی سی لقا کوندلرلش اولغله مندرجاتنه نظر ایفای مقتضاسی سیاقنده شقه مخصوصه رقیم قلدی

( فی ۲۵ ربیع الاخر سنه ۹۷ تاریخیه عدلیه )  
( نظارتندن تعمیما مدعی عومیلره یازیلان )  
( تحریرات صورتیدر )

مواد جزائییه ده مدعی عومی معاونلری طرفندن طویله جق ضبطنامه لردن خرج التوب التمه جغنی واعضا موجود ایدکن مستنطق وظيفه سنک اعضا ملازمه احاله سی جائز اولوب اولیه جغنی وحقلرند مجازات ترهیبیه بی مستلزم افعال اسناد اولنان کسانک اجرای تحقیقات اثباتنده کفالت قوییه ربط ایله سبیلاری تخلیه اولنوب اولتمیه جغنی ومدعی عومیلرک حقوق اعلاماتک انفاذنده دخی مداخله لری لازم کلوب کلیه جکی وایجابا اجرا اولنان جزا اعلاملر نیک کیلره ویرلسی اقتضا ایده جکی ماده لری بعضی عللردن استفسار اولندقدنه بولنمشدر مسائل مذکوره حقیقده بروجه آتی صره سیله ایضاحات قانونیه یه ابتدار اولنور اصول محاکمات جزائییه قانون موقتک فصل رابع نیک قسم ثانیه سی احکامجه مدعی عومیلر طرفندن

تنظیم اولنده جق ضبطنامه لردن انه جق خرجلر حقیقده خرج تعرفه سنک قرق سکرنجی وقرق طفوزنجی واللی برنجی واللی اوچنجی والتمش دردنجهی وقانون مذکورک یوزاللی ایکنجهی ماده لری احکامنه توفیق معامله اولنمش یعنی انه جق خرجلرک مقنارینی تعیین ایله ایلروده محکوم اوله جق کسنه طرفندن استیفا اولنده جغنی ضبطنامه نیک برطرفنه اشارت ایدلک لازم کله جکی وبعده ایش محکمه یه کلوب اعلامه ربط اولندیغی حالده مدعی عومی طرفندن وقوعبولمش اولان مصارف سااره ایله برابر محکوم علیه دن تحصیل اولنمش اوزره اعلامه درج ایدیله جکی ومستنطقلر دخی قانون مذکورک اللی برنجی ماده سنده شاکم ابتداییه اعضا سندن تعیین اولنده ییله جکی کبی لزومی تقدیرنده اعضای محکمه دن بری دخی اصل مستنطق ایله برابر ایفای مأموریت ایتک اوزره رئیس محکمه طرفندن صورت موقته ده مستنطق تعیین ایدیله ییله جکی وتشکیلات محاکم قانوننک اون التجیحی ماده سنده قضایا دیت محکمه لرند اعضا دن برینک جنایاتک تحقیقات اولیه سنی واصحابنک استنطاقی اجرا ولایه لرینی محکمه یه تقدیم واون یدنجی ماده سنده دخی محکمه نزدیکه بولنده جق کابلردن بری جنایاتک تحقیقات اولیه سنه مأمور اولان اعضایه معاونت ایده جکی ولوا بدایت محکمه لرینه کلنجه ییله قانون مذکورک بکر می التجیحی ماده سنده محاکم مزبوره نزدیکه ایکی اعضا ملازمی بولنوب بولنرک جنایاتک تحقیقات واصحابنک استنطاقنه مأمور اعضایه معاونت ورئیس محکمه دن اله جقلری امر اوزرینه اعضانک علی العموم مکلف اولدیغی وظائفی دخی ایفا ایدیله جکی مسطور بولنمش اولسنه نظراً استنطاقه مأمور اولان اعضانک بر مانع مشروعی رئیس محکمه نزدیکه تحقیق ایلدیکی تقدیرده اشبو وظیفه نیک طرف ریاستندن ملازمه

احاله اولنه بيله چكي و در سعادت جزا بدایت محكمه لنده وظیفه مذکورنك بوكره باراده سنه اعضا ملازم لینه احاله بیورلدیغی و مكفلا و موقتا تخلیه سبیل قاعده سنك جتاینله مضمون و یا نهام اولتانلر حق لنده شمولی اولوب اولیه جنی مسئله سنه کلجه بو باده ادرنه محكمه استینافی مدعی عمومی لکندن اولتان استفسار اوزرینه محكمه حضورنده بولتان دعوی جرمیه ده خصوص مذکورنك انجق قباحت و جنحه له منحصر اولوب جنایاتك مستثنا بولندیغنه دأر تسطیر اولتان و جریده محاکم یکر می طغوز نومرولی نسخه سنده صورتی مندرج بولتان سلم محرم سنه ۲۹۷ تاریخی تحریرات جوابیه مراجعته مندرجاته توفیقاً حرکت اولتی لازم کله چکی وانف الذکر تشکیلات محاکم قانوننك یش او چچی ماده سنده مدعی عمومی لک مأمور بولندقلری محاکم صدور این کافه حکم لک اجرا سنه نظارت ایده چکلری محرر بولندیغنه و اعلامات حقوقیه نك اجرای احکامی محاکم رؤسا سنه وانلر مربوط دوار مخصوصه اجرا مأمورلینه عائد و صور اجرائیه سی دخی اعلامات حقوقیه نك اجرا سنه دأر اولان قانونده مندرج بولندیغنه مبنی مدعی عمومی لک و خصوصه اعلاماتك اجرا سنه طوغریدن طوغری به مداخله ایده هوب فقط اثنای اجرا ده مغایر قانون حالات وقوعنده نظارتلری جهتیله اقتضا این اجرا مأمورینه و ضد الايجاب اجرا مأمورلینك مربوط اولدقلری محاکم حقوقیه رؤسا سنه تبلیغات لازمه نك اجرا سنه احکام لاحق نك تأمین انفاذینه دقت ایلملری اقتضا ایده چکی و حکم لری اجرا اولتان جزا اعلاملری اوزرینه برطاق معاملات رسمیه جریان ایده چکی جهته بومقوله اعلامات جزائیه نك دخی بعد الاجرا بالابطال مدعی عمومی لک نزدنده قلمسی ایجاب

ایله چکی در کار بولندیغندن مواد مشروحه احکامه توفیقاً اقتضاء حالک اجراسی محكمه تمیز باش مدعی عمومی لک مأموریت بهیه سنك تبلیغیه تعمیماً اشعار واشبو تحریرات عمومی نك نزدنده بولندیغندن استیناف محكمه لری ریاستلرینه بالذات و دأره مأموریتنك داخلنده بولتان مدعی عمومی معاونلری و ساطنلریله محاکم ابتدائیه رؤسا سنه تبلیغ اولتی اوزره نسخ مطبوعه کافیه سی لغاً تسیمار اولندی

( فی ۱۹ صفر سنه ۹۷ و فی ۱۹ کانون نانی )  
 ( سنه ۹۵ تاریخیه محكمه تمیز حقوق دأر سنندن )  
 ( ویریلان اعلامك صورتیدر )

ازمده ساکن ملقون اغا ابله بیلرنده تگون ایند منازعه به دأر محكمه استینافی حقوق قسمندن ویریلان ۳ ربیع الآخر سنه ۹۶ تاریخی اعلامك تمیزاً رویت و تدقیقی بالدزلی خنده بش نومرولی او طده مقیم ازمدلی موسسوف اوغلی اوخانس جانبندن محكمه تمیز حقوق دأر سنه اعطا اولتان عرضحال و متفرعاتنه استدعا و ازمدلی موسسوفیان حاجی اغوبوسك امضاسیله محضی و مصدق برقطعه کفالتنامه اعطاسیله شرائط تمیزیه جله سنندن اولان تأمینات دخی ایفا قلمش و دعوت واقعه اوزرینه مستدعی اوخانس جانبندن یاسند مصدق حجاجدور اوزونیان و کات و مدعی علیه ملقون اصالة کله رك وکیل مرقوم حجاجدور اوزونیان حاز اولدیغی ماذونیت وجهله طرفندن ذنوب سراید اربانی مسجلا توکیل ایلمش اولدیغندن امر محاکم لری نك اجرا سنه ابتدار و اعلام معترض علیه ایله اعتراض و جواب لایحه لری مواجه لرنده بعدالقرائنه اولباده اولان ادعا و افادلری وکیل واصل مرقومانندن استفسار قلمدی

اعلام مذکور مآنه نظراً مرقوم ملقون ازمد جوارنده و تحت تصرفنده اولوب درت سنه مدت و سنوی اوچیک غروش بدل ایجار ایله مزبور اوخانس ایجار ایلدیگی برقطعه بوستانك مدت ایجاری مرور ایلدیگی صالده مستأجر مرقوم اوخانس تسلیمه مخالفت ایتمکده اولدیغندن مذکور بوستانك طرفنه تسلیم ایلمسبله برابر بدل ایجار دن متبانی آنچه ایله مذکور بوستان دروننده مغروس اولوب مرقوم اوخانسك قطع و قلع ایلدیگی ایکیک عدد اشجار مقرر نك قائماً قیلملری نك تحصیلی و مرقومك مقالهلری موجبجه انشا ایلدیگی قیو دیوار ایله دولابلری صورت مطلوبه ده یابدر مامش اولدیغی ملابس سبیل بولنك دخی مطلوبه موافق اوله رق انشا ایندیلمسنی ازمد بدایت محكمه سننده طلب و دعوی ایروب مستأجر مرقوم اوخانس دخی ( بقیه سی صکره )

( اوتوز سکرنجی نومرولی جریده محاکمه مندرج )  
 ( اعلامك بقیه سی )

و حکم اولتیمان اساس دعوانك صورت ابتدائیه ده اوله رق رویتنه مباشرت و حکم قطعی اعطاسی درجه سنه کلمش اولدیغندن بحث و حکایت ایلدیله رك برمنوال محرر اعلامه ربط ایلمسی اصول محاکمه به مخالف و وظیفه خارجنده اولدیغندن بختله اعلام مذکورنك نقضی استدعا قلمش و ادعاسنی مؤید اولق اوزره زیری سلانك دفتر خاقانی مأموریتندن و طاپو کتابلندن درکارلی برقطعه تحریرات و مذکره و عرضحال صورت مصدق لریله قره فریه بدایت محكمه سنندن ویریلان ایکی قطعه اعلام اعطا اولمشدر مدعی علیه خدیجه خانم جانبندن ویریلان جواب لایحه سننده ذات مصلحتك صورت وقوع و جریانندن

و مستدعی خلیل اغانك فراغ مذکورنك بی اساس ایلوکی بولنده کی ادعاسنك بطلانندن بختله بوجهت حقنده ادعای جواب اولدیغنی کی اغای مرقومك اعلام استینافی علیه بنده سرد و اتیان ایلدیگی بالاده محرر اعتراضاتنه مقابل کرک مذکور لایحه ده حکایه و کرک و کیلی شهری افندی جانندن شفاهه در میان اولتان اجوبه نك خلاصه سی دخی درجه اولی محكمه سنجه شهود استماعنك جائز اولدیغنه دأر اولجه حاصل اولان اکثریت آرانك مقارن صواب اولدیغنی تیقن ایلمسندن و بوضورتك طرفینه تفهیمیه قرارشکلنی دخی اکتساب ایتمام سنندن ناشی اخیراً شهود استماعی جائز ایلوکنه قرار ویرلمش و اولبایده اقامه و استماع ایلدیلان شهودك محلجه ترکیه لری دخی اجرا قلمه رق اساس کیفیت حکم درجه سنه کلمش ایکن مرقوم خلیل اغانك قرار مذکورنك اعلام شکنده طرفینه تبلیغ و اعطاسنی طلب ایتمی اوزرینه تنظیم و اعطا قلمان اعلامه پلازوم شهود استماعنك غیر جائز ایلوکنه مقدا قرار ویرلدیکنك درج ایلدیگی کی بوبایده شهود استماعی فراغت وقوعنی اثبات ایند دلایلی تأیید ایچون اولوب حالبوکه عندالاستیناف فراغ مذکورنك مبادله طریقله وقوعی قیود رسمیه ایله ثابت اوله رق شهود اقامه سنه حاجت کورلدیگی و ذات دعوانك دخی قرار قطعی ویرله چك درجه ده بولندیغنی تبین ایلمسبله استیناف تحت حکم و قراره القسی بولنده و اصول محاکمه نظامنامه سنك یوزاون سکرنجی ماده سنك فقره نایه سی احکامنه موافق ایلوکی جهته اعتراضات واقعه واهی و نقضی غیر مؤدی ایلوکنندن تمیزاً استدعاسنك ردی و اعلام معترض علیه نك تصدیق طلبنی محتوی بولمش و برقطعه شهادتنامه ایله ذیلی قره فریه اداره مجلس سنندن درکارلی برقطعه عرضحال اعطا قلمشدر

بونك اوزرينه طرفينك بالاده محرر اعتراض وجوابلری  
 خارجنده برديه جگاری اولسوب اولديغی  
 لدی السوال هر ایکی طرف بشقه برافادهری  
 اولدیغی سویلرله محاکمه لریك ختام بولدیغی  
 کندولرینه تفهیم اولندی  
 ایجابی لدی المذاکره تفصیلات مبسوطه دن منقهم  
 اولدیغی اوزره مستدعی خلیل اغانك ذکر اولنن  
 جرقویان و دیرمان چقنلکلرله بولمان حصه  
 شایه سنی برادری شکری بکک حصه سله برابر  
 بطریق المبادله کندوسنه فارغ اولدیغنه دأر مومی  
 الیها خدیجه خاتم جانبندن درمیان اولنن ادعاك  
 اقامه شهود ایله اثبات ایدلمسی لزومه دأر قره فریه  
 بدایت محکمه سنندن لاحق اولان قرار علیه منده  
 اغای مرقومك بالاعتراض استیناف دعواسنه قیام  
 ایتسی اوزرینه سلانیک محکمه استینافیه سنجه  
 فراغ مذکورك صورت وقوعی حقننده اجرای  
 تحقیقاته ابتدار ایله مرقوم خلیل اغانك برادری  
 مومی الیه ایله برابر مذکور چقنلکلرله کی حصه  
 شایه سنی باذن صاحب ارض خاتم مومی الیه الیه  
 فارغ اولدیغی تبین ایلدیکندن وشو صورت دخی  
 اساس دعوائی حکم قطعی اعطاسی درجه سنه  
 ایصال ایتش اولدیغندن بختله اصول محاکمه  
 نظامنامه سنك یوزاون سکرنجی ماده سنك فقره  
 اخیره سنه ابتداء مذکور چقنلکلرک کافی السابق  
 مومی الیه انك عهد سنده انقاسیله علی الاصول  
 بدینه طابو سنذاتی اعطاسنه اکثریت آرا ایله قرار  
 ویرلش ایسه ده قرار مذکوری حاوی تنظیم اولنوب  
 مرقوم خلیل اغا جانبندن تمیزی طلب اولنن  
 وبالاده مندرجاتی حکایه فلان اعلام مطالعه سنندن  
 اکلاشلدیغی وجهله اغای مرقومك قره فریه  
 بدایت محکمه سنجه اقامه ایلدیگی دعوی مذکور  
 چقنلکلرله بولنن حصه شایه سنك تفریقله

طرفنه تسلیمی وقشلاق و ببلاق واورمان بدل  
 ایجازندن حصه سنه اصابت ایدن مبالغک مومی  
 الیها خدیجه خاتمندن تحصیل طلبندن عبارت  
 بولنش وخاتم مومی الیها دخی حصه مذکورنك  
 سکسان درت سنه سی ذی الحجه سنده بطریق المبادله  
 صاحب ارض حضورنده وشهود معلومه  
 مواجهه سنده کندوسنه فراغ ایلدیکه تاریخ  
 مزبور دنبرو ویرکوسنی اعطا و آخره ایجاز ایله  
 بلازاع الیوم ضبط وتصرف ایتکده اولدیغی  
 وفراغ مذکورك بر نسوال محرر وقوعنی اقامه  
 شهود ایله اثباته مقتدر بولدیغی بیانیله ایراد  
 مدافعات ایلش اولدیغی کی مذکور قره فریه  
 محکمه ابتدایه سنجه دخی اول امر ده بو باید شهود  
 استماعی جائز اولوب اولدیغی مسئله سی موقع تذکره  
 انه رق اکثریت آرا ایله شهود استماعک غیر جائز  
 ایدوی کوسترلش و اخیرا مومی الیها خدیجه خاتمک  
 ولایت محکمه ابتدایه سنه وقوع مراجعتنه بناء  
 بو مقوله اراضی وعقار دعوالرنده شهود استماعی مجاز  
 اولدیغی بیان اولنسی اوزرینه اخیرا بالکر مومی  
 الیه انك اثبات مدعا ایتسنه قرار ویرلش شهود  
 مرقومه نك استماعی ویا خود تحقیقات وتدقیقات  
 اجراسی مرقوم خلیل اغانك مذکور چقنلکلرله کی  
 حصه شایه سنندن تفریق واکا متفرع اوله رق حصه  
 مذکوربه عائد اجورانت تحصیل حقننده اولان  
 دعواسنك رد وقبولی یولنده بر حکم لاحق اولدلمش  
 اولدیغی وقرار مذکورك قابل استیناف قرار قرینه لردن  
 معدود اولسی ملابس سیه مرقوم خلیل اغا مذکور  
 بدایت محکمه سنجه اولا شهود استماعک جائز  
 اولدیغنه و اخیرا برکونه سبب قانونیه مستند  
 اولمقسنن ولایت محکمه ابتدایه سنندن سبق ایدن  
 اشهار اوزرینه شهود استماعک جوازینه قرار  
 ویرلدیگی دن بحث وشکایتله استیناف دعواسنه

قیام ایلد - قرار اخیرک فسخی ومومی الیها خدیجه  
 خاتم دخی قرار مذکورك حکم قانونه مطابقی جهتله  
 تصدیق طلب واستدعاسنده بولنوب اصول محاکمه  
 نظامنامه سنده کوسترلدیگی وجهله بومقوله قرار قرینه  
 علیه منده اقامه اولنن استیناف دعواسی اوزرینه  
 قرار مستأنف بهک موافق اصول ونظام اولوب  
 اولدیغک تدقیقاته ابتدار ایله مخالف نظام اولدیغی  
 تقدیرده فسخ وعکسی حالده استیناف دعواسنك  
 ردیله تصدیق ایدلمسی وشو یولده اجرا فلته جق  
 تدقیقات وقرار مذکور فسخ وتصدیق حقننده  
 ویرلش حکم اساس دعوائی دخی حل وفصل  
 ایدرک حکم قطعی اعطاسی درجه سنه ایصال  
 ایلدیگی صورتده اولوقت دعوی مذکورنك استینافا  
 تحت حکم وقراره ایتسی لازمه دن ومحاکم استینافیه نك  
 وظیفه سی ایجابندن بولدیغی جهتله سلانیک محکمه  
 استینافیه سنجه اول امر ده مرقوم خلیل اغانك قرار  
 اخیرا بدایتک علیه منده اقامه ایلدیگی استیناف  
 دعواسنك تدقیقاته بالابتدار مومی الیها خدیجه  
 خاتمک دعوی واقعه دن طولانی شهود اقامه سنه  
 حق وصلاحیتی و اغای مرقومک ادعاسی وجهله  
 اولا شهود استماعی جائز اولدیغنه قرار ویرلش  
 ایکن اخیرا قرار مزبور دن رجوع ایدلمسک اصول  
 ونظامه موافقی اولوب اولدیغی باتعین حاصل  
 اوله جق نتیجه یه کوره قرار مستأنف بهک فسخ  
 وتصدیق بولنده حکم وقرار ویرلک لازمه دن  
 اولدیغی حالده محکمه مرقومه جه صور مشروحه  
 دأره سنده دعوی استینافک تدقیقاته کریشلیوبنده  
 بدایه رؤیت دعوی ایدر صورتده طوغریدن  
 طوغری به مومی الیها خدیجه خاتم جانبندن وقوعی  
 ادعا اولنن فراغ معامله سنك صورت جربانی حقننده  
 اجرای تحقیقاته ابتدار واساس دعوانک حکم قطعی  
 اعطاسی درجه سنه کاش اولدیغی بیان وتذکار

ایله درجه اولی محکمه سنجه هنوز رؤیت وتدقیق  
 اولنن دعوی مذکورنك طرفینک استدعاسنه  
 مقارن اولمقسنن خارج از وظیفه اوله رق حکم  
 واعلام اولنسی یولسز وبالوجوه اصول ونظامه  
 مخالف بولنش اولدیغندن اصول محاکمه حقوقیه  
 قانون موقتک ایکیز اوتوز ایکنجی ماده سی  
 موجبجه اعلام استینافی مزبور نقض ایداش  
 اولغله قانون مزبورک ایکیز فرق دردیجی ماده سنه  
 توفیقا بوجه مشروح کفیتک یکیدن رؤیت وتدقیق  
 نظامی دأره سنده تحت حکم وقراره ایتسی ضمننده  
 سلانیک استیناف محکمه سنه اعاده سنه واعلام  
 وصورت وتبایغ خرجلرینک ایلروده حقسنز چیتقه جق  
 طرفه رجوع ایتک اوزره اول امر ده مستدعی خلیل  
 اغانن التمسه ۲۵ ذی الحجه سنه ۹۶ تاریخنده متقفا  
 قرار ویرلش طرفینه تفهیم قلندی

( اعلانات )  
 ( اختری )

کتاب لغات عربیه میاننده اک مقبول ومعتبر اوله رق اشبح حروف  
 جدید ایله وغایت صحیح رصورتده مطبعه عامر ده طبع اولنوب  
 اجراسی اوتوز بش ومجلدی قرق غروش فی ایله صالقله در

اشومارتک یکر می بشنجی بازار ایتسی کونندن اعتبارا  
 ایکنجی حقوق دأره سی ساعت درنده اچیله رق  
 بش بجه قدر افاده جیلری قبول ایدلشک وانن  
 صکره ساعت اونه قدر محاکمه ایله مشغول اوله جقدر  
 احضار ورفه لرنده تعیین اولنن وقته طرفین کلز  
 ایسه احضار ابطال ایدیله جکی کی بری کلدیگی  
 حالده حاضر بولنن طرفک طلبیله حکم نظام اجرا  
 اوله جقدر

جامعیان ماردك و همشیرلری اسغوهی و خرواسما  
 و هاجه قدینلرک قومریان مریم قدینه با اعلام  
 محکوم به دینلری بولنان مبالغ معلومه نك تسویه سی  
 ضمنده اسکدارده یکی محله جوارنده مزارلق  
 قارشوسی زقاغنده منصرفه اولدقلری عتیق اوج  
 یوز الی بر جدید والتمش اوج عتیق نومرولی  
 بر باب خانهلری در سعادت مرکز اجرا دائره سندن  
 فروحت اولنه جعی اعلان اولنور

نعلیند قره بنک تیمورجی خچار ذمتده با اعلام  
 مطلوبی بولنان مبالغ تسویه سی ضمنده اسکدارده  
 سلامی تحله سنده عزیر محمود افندی وقفندن مدیون  
 مرقومک متصرف اولدیغی اوجیوز الی الی الی  
 ذراع بر قطعه عرصه سنک فروختی مقرر اولمله تاریخ  
 اعلاندن اون بش کون صکره یعنی شهر نیدساک  
 اوجنجی کونی مزایده سنه مبادرت اولنه جفتندن  
 طالب اولنلرک اسکدار بدایت محکمه سی اجرا  
 مأموریتنه مراجعت ایملری اعلان اولنور

متوفی مریم قدین ورثه سنک حسین حسیب افندی به  
 با اعلام محکوم به دینی بولنان مبالغ معلومه نك  
 تسویه سی ضمنده فروختی محکوم اولان صماتیه ده  
 کان ظفیری میخانه سی کدیکنک تمامی و ملک نصفی  
 بوندن اقدم مزایده قونیه رقی ایکیوز الی لیرا  
 بدل ایله طالی عهدده سنده تقرر ایتمکله نهایت اونوز  
 بر کونه قدر قرار قطعی سی ویریه جکندن زیاده یه  
 طالب اولنلر وارایسه در سعادت مرکز اجرا  
 مأموریتنه مراجعت ایلیسی اعلان اولنور ۱

دستورک دردنجی جلدی

دستورک دردنجی جلدینک طبیعی ختام بوله رق  
 میدان اندشاره قوناشدر . اشبو جلدک حاوی  
 اولدیغی قوانین و نظامات «ملکیه» و «علیه»  
 و «عدایه» و «مالیه» و «رسومات» و «ومعارف»  
 و «تجارت» و «نافعه» و «بلدییه» و «بحریه»  
 و «متفرقات» دیه اون بر تقسیمات اساسیه یه منقسم  
 اولدقلری حالده یوز ساکسان قدر قوانین و نظامات  
 و تعلیماتدن عبارتدر که بونلر شمیدی یه قدر وجوده  
 کتورلمش اولان اصلاحات عمومیه یه حاد شایر  
 اولدقلرندن اصلاحات جدیدنک صورت عمومیه سی  
 جامع پک کوزل بر مجموعه مهمه تشکیل ایلمشدر .  
 طوغریدن طوغری یه باب عالی طرفندن اداره اولنان  
 محله مخصوص اولان اشبو قوانین و نظاماتدن  
 ماعدناینه دولت علیه نك بر ولایت مختاره سی دیک  
 اولان شرقی روم ایلی ولایتک نظام اساسیسی ایله  
 متفرقاتی دخی بو دردنجی جلدده ذیل ایلمشدر .

شو حالده ۱۱۳۰ صحیفه یه وارمقده بولنان اشبو  
 جلدک الافرانقه مجلدی ایچون الی و اجزاسی  
 ایچون قرق بش غروشه فییات وضع اولنهرق  
 بالجه کتاب صماتیلان محله ده فروخت اولنمقده در .

اصول محاکمات حقوقیه و جزائیه و تشکیل محاکم  
 و اعلاماتک صورت اجراسی قانونلریله خرج  
 تعرفه سی عدلیه لوازم مأموریتنده و سلطان محمود  
 تر به سی زندنده معارف کتبخانه سیله صحاف چارشو  
 سننده بسیم افندی دکاننده طاقی اون بر غروشه  
 صماتمقده در